

## 三皈五戒發菩提心儀軌

「我從今日，歸依佛，歸依法，歸依僧」(雜含卷一·三〇經)。歸依的心情雖然是內在的，但有形式的歸依，可以提醒我們歸依這一刻，是何等重要的時刻，也可正強化我們的決心。一個正式的歸依儀式，代表著我們已到了決定離苦得樂的一個關鍵。過去不知有多少生，我們都在無常虛妄的幻相中尋求平安而不得其處；現在我們終於歸依佛，歸依法，歸依僧，邁向了解脫之道！希望大家依師長教導，懇切懺悔，生難遭遇心、恭敬心、清淨心而能自誓：「盡形壽歸依佛，兩足尊。盡形壽歸依法，離欲尊。盡形壽歸依僧，眾中尊。」

### 目次

請師  
開示  
勸發無上菩提心  
明戒體義  
請聖  
懺悔  
受三皈  
宣戒相(五戒表解)  
著解脫服  
發願  
勸誡  
念佛回向

### 請師

(求授三皈者心念口言)

大德一心念，我弟子○○(法名)，今請大德為三皈五戒本師，願大德為我作三皈五戒本師，我依大德故，得受三皈五戒，慈愍故(第三遍大慈愍故)，就地一拜。(三請三拜)。

### 開示

諸仁者諦聽！歸依三寶、受持五戒者，乃信入佛法之初階，成就聖道之勝因也。

歸依者，「歸趣依止」，由彼三寶為歸趣依止，起信發為體，導為用，能永得解脫一切煩惱苦故。

三者，是數，謂佛法僧。由五處觀察所歸，乃可歸依。一由身業清淨故，二由語業清淨故，三由意業清淨故，四由於諸有情起大悲故，五由成就無上法故；四緣故有爾所歸依，一由如來性極調善故，二於一切種所調能調善方便故，三具大悲故。四以一切財而興供養未將為喜，要以正行而興供養乃生歡喜，由如是故彼所立法，彼弟子眾皆可歸依；齊四緣故說能歸依。一知功德故。二知差別故。三自誓願故。四更不說有餘大師故。唯此是真歸依處故。

佛者，得一切智、永斷諸漏、有大悲心、具無量德，能為眾生作利益之事。

法者，謂捨一切煩惱及一切苦、無生無滅、離相涅槃，諸佛所證所說。

僧者，隨佛修學聖道，現覺法性者；謂從預流乃至十地菩薩。

如是佛法僧三通稱寶者，具六義故：世間難得。無善眾生，百千萬劫不能得故。離垢。以離一切有漏諸行，極明淨故。威德。具六神通，威德自在，有勢力故。莊嚴世間。以能莊嚴出世間法故，亦能莊嚴世間。勝妙。是出世間法極最上故。不可改異。以得無漏聖道、世間八法，不能傾動、恆不變故。具此六相故名為寶。

歸依三寶者當受五戒，方名優婆塞、優婆夷，此云近事男、近事女，謂親近三寶修事諸善法故。

五戒者謂斷殺生、偷盜、邪淫、妄語、飲酒。此五戒法。

又名學處，是近事者所應學故。

又名清涼，為惡能令身心熱惱，而戒能令其安適，故名清涼。又惡能招惡趣熱惱，而戒能招善趣，故曰清涼。

又名安眠，謂持戒者得安穩眠、常得善夢故。

又戒者是得定義，謂持戒者心易得定。

又戒者是嚴具義，有莊嚴具於幼為好，非莊老年；有莊嚴具於壯為好，非幼老年；有莊嚴具於老為好，非幼壯年。戒莊嚴身。三時常好。如伽陀說：“尸羅嚴身具，幼壯老咸宜，住信慧為珍，福無能盜者。”

又戒者是明鏡義，如鏡明淨，像現其中；住淨戒者，無我像現。

又戒者是階陛義，如尊者無滅言：“我蹈尸羅階，升無上慧殿。”

又戒名足，能往善處、至涅槃故；如有足者，能避險惡，至安穩處；有淨戒者，能越惡趣，生天人中。或超生死，到涅槃岸，故名為足。

戒又名篋，任持一切功德法故；謂持戒者，任持功德，不令退散，如篋持寶。

諸仁者！雖處于塵勞之中，而能發心歸依三寶，受持五戒，譬彼污泥之中，生香潔之蓮華耳！釋迦本師、諸天善神，皆歡喜也。

### 勸發無上菩提心

諸仁者諦聽！戒有四品。

初品戒者，爲今世樂故持戒，或爲怖畏，稱譽名聞故，或爲家法，曲隨他意故，或避苦役危險故而持戒，如是種種是初品戒意。

二者爲期後世人天福樂，克己自勉，爲苦日少，所得甚多，如是思惟，堅固持戒。譬如商人遠出深入，得利必多；持戒之福，今人受後世福樂，亦復如是。

三者爲涅槃而持戒，知諸法一切無常，終歸於空，欲求離苦、常樂無爲故。持戒之人其心不悔，心不悔故得喜樂，得喜樂故得一心，得一心故得實智，得實智故得厭心，得厭心故得離欲，得離欲故得解脫，得解脫故得涅槃。

四者爲佛道而持戒，作大要誓必度眾生，不爲自求現生後世之樂，亦不自求涅槃，但爲眾生沒在長流、恩愛所欺、愚惑所誤，我當度之，令到彼岸；謂一心持戒生善處，生善處故見善人，見善人故生智慧，生智慧故得行六波羅蜜，行六波羅蜜故得佛道，如是戒者名爲尸羅波羅蜜，是上上品戒也。以是故受戒者，當發無上菩提心：

長老憶念。(或言聖者憶念。或言鄔波拖耶。)弟子○○(法名)，從今日始發阿耨多羅三藐三菩提心，爲欲饒益諸有情故。從今已往，凡我所修布施、持戒、忍辱、正勤、靜慮及慧，一切皆爲證得阿耨多羅三藐三菩提故。我今與諸菩薩摩訶薩和合出家，願尊證知，我是菩薩。(第二第三亦復如是，求受戒者三念三拜)

## 明戒體義

諸仁者前明受戒之心，今明受戒體。受戒須識戒體之義，其義云何？謂佛出世制立戒法，禁防身口，調伏心行。十方諸佛、三乖賢聖并同修故，名爲聖法。今仁者等發信樂心，誓稟此法於一切境，隨順學行而不毀犯，於戒授受作法之時，作是運想，遂發無作領納在心，名爲戒體。如是戒體因作而成，既成以後，則不復假授受之作法，常相續生，故名無作。所以者何？謂彼作法之事，皆已剎那剎那過去，不復有也。而此戒體，不隨彼滅，還住身中，故名受戒者，名持戒者。若無此法，則與未受戒者，有何異乎？

前言境者，有兩種境：一事一理。事者，情與非情。情者，謂十方諸佛及諸菩薩、緣覺、聲聞、諸天世人、地獄、餓鬼、畜生。非情者，謂一切世間之彼微塵、國土、山河、大地，乃至一花一果、一物一塵。理者，謂上述事境，皆是因緣生法，實無相性，畢竟寂滅，離心意識，即是人法二空之境。

吾輩無始以來，於此境上造生死業，不可窮盡，惡心遍布，充塞法界。經云：若如是業有體相者，盡虛空界不能容受。今發菩提心，轉惡爲善，於盡識藏，成善種子，作聖道基，是戒體義也；故正作法之時，當發殷重心，正念現前，戒體則發，不可浮散，生於雜想。

請聖

香花迎，香花請，弟子某甲等一心奉請：南無本師釋迦牟尼佛及盡虛空遍法界，十方三世一切諸佛。惟願哀愍，慈悲攝受，證此皈戒！（三請三拜）

香花迎，香花請，弟子某甲等一心奉請：教理行證尊法，及虛空遍法界，十方三世一切尊法。（三請三拜）

香花迎，香花請，弟子某甲等一心奉請：南無大慈彌勒菩薩，南無大悲觀世音菩薩，及虛空遍法界十方三世一切菩薩、聲聞、緣覺諸賢聖僧。惟願哀愍，慈悲攝受，證此皈戒！（三請三拜）。

## 懺悔

《阿含經》云：「於受前懺悔罪已受（三歸）法，謂從無始生死邊至涅槃際，一切罪業皆清淨。」

諸仁者欲受歸戒者，當先於三寶前，懇禱懺悔一切罪業，使心清淨，方堪聖法。無始劫來，無明所覆，愛結所系，想顛倒、心顛倒、見顛倒、罪業無邊，願悉懺除。

我弟子○○

從於無始	以至今生	毀破三寶	作一闡提	謗大乘經	斷學般若	弑害父母
出佛身血	污僧伽藍	破他梵行	焚毀塔寺	盜用僧物	起諸邪見	撥無因果
狎近惡友	違背良師	自作教他	見聞隨喜	如是等罪	無量無邊	故於今日
生大慚愧	克誠披露	求哀懺悔	惟願三寶	慈悲攝受	放淨光明	照觸我身
諸惡消滅	三障蠲除	究竟清淨				

南無普賢菩薩摩訶薩（念三遍）

（三讀三拜）

## 受三歸

適間勸發菩提心，懺悔罪業，諸仁者皆已隨順學行，今當歸依三寶，正是受戒之時。諸仁者當對三寶前發無上菩提心，遍緣一切情與非情，寂滅之境，而於境上誓願斷惡修善，利濟眾生。諸仁者果能發此上品心，今所受者是如來上上品三皈五戒（各當如文作觀）

（受皈戒者長跪合掌心念口言、三念三拜）（歸依三寶時應觀想：釋迦牟尼佛就在這裡，坐百寶蓮華，放大光明，文殊菩薩、普賢菩薩、觀世音菩薩、大勢至菩薩、彌勒菩薩、龍樹菩薩、無著菩薩都在這裡。）

我弟子○○，盡形壽歸依佛、盡形壽歸依法、盡形壽歸依僧。

我弟子○○，盡形壽歸依佛竟、盡形壽歸依法竟、盡形壽歸依僧竟。  
我是釋迦牟尼佛（男眾）優婆塞，證知我  
（女眾）優婆夷

## 宣戒相

汝優婆塞、優婆夷諦聽！戒有五種，始從不殺生乃至不飲酒，若能全持五戒，謂之滿分優婆塞、優婆夷。

汝等能受持滿分之戒否？（受戒者云）能受持滿分

汝優婆塞、優婆夷諦聽！是多陀阿羅呵三藐三佛陀，知人見人，為優婆塞、優婆夷說五戒法，汝盡形壽持！何等五：

盡形壽不殺生，是優婆塞、優婆夷戒，能持否？

（受戒者答）能持

盡形壽不偷盜，是優婆塞、優婆夷戒，能持否？

（受戒者答）能持

盡形壽不邪淫，是優婆塞、優婆夷戒，能持否？

（受戒者答）能持

盡形壽不妄語，是優婆塞、優婆夷戒，能持否？

（受戒者答）能持

盡形壽不飲酒，是優婆塞、優婆夷戒，能持否？

（受戒者答）能持

## 著解脫服

諸仁者，今既受持優婆塞、優婆夷戒，佛制令蓄禮懺衣。然衣而名禮懺者，唯聽、作諸佛事及懺悔之時披著。除是之外，一切持中，若往來城邑等，皆不得著。若詣寺院道場，當以囊盛隨行。如在家宅，可以挂置淨處。

汝今知之，能奉行否？（受戒者答）能依教奉行。

（引禮者，各以預備之禮懺衣，教彼展開披著，口中誦偈）

善哉解脫服 鉢吒禮懺衣 我今頂戴受 世世常得披

## 發願

我今已受行	三皈五律儀	隨學聖教法	勤修清淨業
願以此功德	生生不墮落	三途及八難	我亦不貪著
轉輪聖王樂	梵釋諸天樂	願諸煩惱盡	速得薩婆若
願于此生後	往生安養國	見佛聞法時	即悟無生忍
廣度諸含識	齊成無上覺		

## 勸誡

諸仁者諦聽！戒名好行善道，不自放逸，是戒義。若持戒者，當生人中天上，得尊貴身，及得道果。若人求大善利，當堅持戒，如惜重寶，如護身命。

人雖貧賤而能持戒，勝于富貴而破戒者。若貴若賤，若小若大，行此淨戒，皆得大利。華香木香，不能遠聞，持戒之香，周遍十方。持戒之人，具足安樂，名聲遠聞，天人敬愛。若欲天上人中富貴長壽，取之不難，所願皆得。持戒之人壽終之時，刀風解身，筋脈斷絕，自知持戒清淨，心不怖畏。

復次若人雖不出家，但能修行戒法，亦得生天。若人持戒清淨，行禪智慧，欲求度脫老病死苦，往生十方佛前，入三乘道而得解脫，所願必得。

持戒之人，雖無兵杖，眾惡不加；持戒之財，無能奪者。持戒親親，雖死不離離；持戒莊嚴，勝於七寶。以是之故，當護於戒，如護身命，如愛寶物，勿令毀破！

汝等能如是知守護奉持否？（受戒者應答云）能依教奉持！

復次，諸仁者諦聽：歸依有四正行：一、親近善士。二、聽聞正法。三、如理作意。四、法隨法行。若能成就此四正行乃名歸依。當知復有四種正行。一諸根不掉。二受學學處。三悲愍有情。四應時時間於三寶所勤修供養。

「自依止、法依止、莫異依止」，當以聞思信戒為基，修學四念住為真實歸依處！

## 念佛回向

南無本師釋迦牟尼佛

釋迦如來（繞念）

回向

歸依功德殊勝行，無邊勝福皆回向，普願沉溺諸眾生，速往諸佛淨樂土。

十方三世一切佛，諸尊菩薩摩訶薩，摩訶般若波羅蜜。

釋尊告訴舍利弗：過去的毘婆尸、尸棄、毘舍浮——三佛的梵行不久住；拘樓孫、拘那含牟尼、迦葉——三佛的梵行久住。原因在：專心於厭離，專心於現證，沒有廣為弟子說法，不為弟子制立學處，不立說波羅提木叉；這樣，佛與大弟子涅槃了，不同族姓的弟子們，梵行就會迅速的散滅，不能久住。反之，如為弟子廣說經法，為弟子們制立學處，立說波羅提木叉；那末佛與大弟子去世了，不同族姓的弟子們，梵行還能長久存在，這是傳說制戒的因緣。「正法久住」或「梵行久住」，為釋尊說法度生的崇高理想。要實現這一偉大理想，就非制立學處，說波羅提木叉不可。

戒為聖道之基，戒為無上菩提本，【戒是正順解脫之本……因依此戒，得生諸禪定及滅苦智慧……若人能持淨戒，是則能有善法，若無淨戒，諸善功德皆不得生，是以當知戒為第一安隱功德住處。】由上來《佛遺教經》這段話便知持戒之功德。

「毗奈耶〈戒律〉因緣所生」，戒律是依於「為善得福，為惡得禍」的因果報建立的。其用意在保護我們這一念心在造因時，能謹慎思考未來的善惡果報而因此止惡修善，嚴持戒律才不至於隨著煩惱情緒的意氣用事，而將來後悔莫及。因此，是要「擇善固執」，還是準備「自食惡果」，就端看個人的智慧了。

從廣義的“信”來說，戒的力用是止惡行善，然此決非靠著條文規章之約束，而是要從內心之淨治而來。而內心之清淨，主要是來自對三寶、四諦深刻的信解，而起誓願修學，而引發之增上力，而產生護持自心、使心不犯過失而又能行善的功能。

## 五戒表解

### 殺戒

釋名	斷命曰殺，有情曰生。斷有情命，是曰殺生。墮胎胎兒死犯殺戒。自殺亦犯殺戒，與殺人罪同。
制意	一、由殺害生命，罪業深重，不堪入道。 二、殺害眾生，違背大悲心故。 三、背恩養故，眾生皆我過去生中父母故。 四、傷善緣故。後生結冤，不相度故。 五、悉具佛性，應敬不輕，豈可殺害。 六、違背菩薩無畏施故。 七、乖四攝行故。以殺害眾生則不得攝化故。 八、殺生奪命，超過盜其所有一切極多極貴之珍寶錢財故。 九、依眾生故，乃得成佛，殺生何依。 十、三世諸佛法爾不殺生故。
次第	一、人道應具惻隱之心，菩薩萬行，以大悲為本，為存人道及萬行之本，先需戒殺。 二、有情所重，莫過性命，為救物命，先制殺戒。

具緣	具五緣成犯：是眾生、眾生想、起殺心、興方便、命斷。
輕重	有逆罪、重罪、輕罪之分： 一、殺父母、和尚、阿闍黎、阿羅漢為逆罪。二、殺人為重罪。 三、殺畜生為輕罪。又就一、能殺心（癡重、瞋貪次之。）二、所殺生。三、所用殺法；罪報輕重不同。
開遮	開緣有三： 一、為救多數之人。 二、為救三乘聖賢，以慈悲心殺害凶徒，寧自犯戒墮入地獄，而不令此惡人犯五逆罪。 三、狂亂心（即嚴重之精神病）見火而捉如金無異，見糞而捉，如栴檀無異，乃名為狂。較此輕者仍為非狂，犯戒則得重罪。
果〈犯〉報	殺生 一、墮三惡道。二、若生人中，多病短命。三、所感外物，皆少光澤，不久住故。四、心常懷毒，世世不絕。五、心懷恐怖。 六、惡夢。七、眾生憎惡。八、命終之時，狂怖惡死。
果〈持〉報	戒殺 一、戒殺即維修無畏施。二、慈心增上，煩惱減少。三、斷滅瞋心，蠲除熱惱。四、少病、長命。五、眾生親近，鬼神守護。 六、常無惡夢，寢覺快樂。七、解除怨結，廣結善緣。八、無惡道怖，命終生天。九、於未來世，富貴自在。十、受持五戒，若念佛發願，則必往生淨土。

## 盜戒

釋名	不與而取他物，名之為盜。類分多種： 一、偷取，二、劫取，三、騙取，四、脅取，五、訛賴取，六、抵謾取 賭博、偷稅皆犯盜戒。印刷品郵件附信，亦犯盜戒。
制意	一、業道重故。謂犯偷盜重罪，豈堪入道。 二、犯國法故。古今各國無不禁盜。人天大小乘戒悉制為重。 三、被盜之人，焦慮憂惱，或致失命。 四、違六度背四攝。以彼法先令布施，以度攝眾生。今則反盜眾生財物，違背彼法故。 五、壞人信心，破滅佛法故。（五戒悉同）
次第	一、約十善業及十惡業，皆先殺次盜。 二、殺盜二罪，先害正報，次損依報。反之斷惡修善，則應先不害正報，次不損依報。
具緣	一、有主物，二、有主物想，三、有盜心，四、是重物（值銀八



	分以上)，五、興方便，六、舉離本處
輕重	有極重、重、輕之別： 一、盜十方僧物，現前僧物者，其罪重於殺八萬四千父母及五逆罪。二、盜三寶物，師長、父母、發菩提心人之物罪重。盜國營公有財物者罪重。盜物值八分銀者犯重罪。三、八分銀以下中罪、輕罪。 又就被盜之人苦惱多少，罪分輕重。
開遮	開緣有五： 一、與想（以爲人已與己也），二、已有想，三、糞掃想（極賤之物），四、暫用想，五、親厚想 菩薩見惡官盜賊，奪他財物，以慈悲心，隨力所能，罰治奪取，還所有主，不犯。
果〈犯〉報	偷盜 一、墮三惡道 二、若生人中，貧窮下賤，或多資財，而不得自在使用。 三、苗稼房屋，遭水火霜雹等災。 四、他人失物，於己生疑。 五、身常受苦，心懷憂惱。
果〈持〉報	戒盜 一、資財盈積，而不散失。二、多人愛念，信任不疑。 三、善名流布，十方讚歎。四、處眾無畏，人不敢欺。 五、身心安樂，命終生天。

### 淫戒

釋名	染情逸蕩，污穢交邁，名不淨行。與己妻之外一切男女，犯不淨行，是名邪淫。受五戒居士應嚴戒之，又居士若自發心，亦可戒正淫，名梵行優婆塞（期間久暫，隨自發心）
制意	一、淫欲能繫縛眾生，不令解脫。令眾生造種種業，受生死苦。爲眾惡之源，生死之本。 二、損自德行故，染心看者，越毗尼罪，何況身犯。 三、業道重故，若犯邪淫，不堪入道。 四、亂靜心故。謂欲火喧心，令失正念正定，不得涅槃，障正菩提。 五、入魔網故。經云此淫欲者，是眾魔境界。
次第	菩薩利生，以戒殺爲先，因殺生極爲違背利生故。自利修行，以戒淫先，因淫念染汙淨心，障生定慧，引生眾惡，受生死苦，極違背自利故。

具緣	一、是眾生。二、是正境。三、有染心。四、起方便。五、與境和。
輕重	就心、境、數，罪報輕重不同： 甲就心，貪心罪重，瞋癡次之。 乙就境，與尊重之人，親人犯淫，罪重。 丙就數：(前輕後重) 暫犯即止，二、數犯乃斷，三、數犯數斷，四、犯而久續。
開遮	開緣有三： 一、若睡眠無所知覺。二、若不受樂。三、無有淫意。 在家居士為化眾生，心淨如佛，可開方便。 受八關齋戒日或菩薩戒居士。於六齋日應戒正淫。 出家僧眾唯遮無開。若犯手淫，或故意摩觸，皆犯淫戒中輕罪。
果〈犯〉報	邪淫 一、墮三惡道。二、若生人中，妻不貞良。 三、眷屬不得隨意。四、淫欲為因，生死為果。 生死者，包括三苦八苦，即自生至死，一切諸苦。以及死生生死，輪迴之苦。
果〈持〉報	戒淫 一、諸根調順，永離喧調。易修禪定，得真實慧。二、人天尊敬，諸方讚歎。三、戒邪淫者，未來生中，父母、宗親、妻子、眷屬、孝有貞順，純潔無雜。 又離於女人無有過失，令諸眾生，無復染愛。 四、戒正淫者，當來成佛，得馬王陰藏相。(佛三十二相之一) 五、解脫生死，早證菩提。

### 妄語戒

釋名	心口相違，言不稱實，欺誑他人，名曰妄語。亦攝惡口(罵詈)兩舌(離間語)綺語(華美浮詞，無義利語)
制意	一、業道重故。妄語之人，不堪入道。 二、誑惑人故。回惑人心，惱害他人，欲造惡業，妄語在先。 三、實語益故。言語正直，心地坦白，易得解脫。 四、鬼神棄故，諸天鬼神，捨棄不護。
次第	前三為身業在先，此為語業在次。然語業易犯，且分四種，罪報亦重。
具緣	一、是眾生。二、眾生想。三、起誑心。四、覆實事。 五、言明瞭。六、前人解。

輕重	<p>有逆罪、大妄語罪、小妄語罪之分：一、法說非法，非法說法，及破羯磨僧，破轉法輪僧，為逆罪。</p> <p>二、妄言證聲聞菩薩果位，犯大妄語中重罪。</p> <p>三、妄言見鬼見神，持戒清淨，能習禪定，善通三藏，證世間四禪八定，犯大妄語中輕罪。以上三種，淆亂正信，害正法眼故為大妄語。</p> <p>四、見言不見，不見言見。聞言不聞，不聞言聞。覺言不覺，不覺言覺。知言不知，不知言知。實有言無，無言實有。皆犯小妄語</p>
開遮	<p>大妄語開緣有三：</p> <p>一、增上慢人。二、若說果位不言自證。三、若戲笑說，謊說。</p> <p>小妄語開緣：為救護眾生劇苦及性命，或為佛法而自無惡心。</p> <p>綺語開緣有二：</p> <p>一、為止息他人悲傷、憂愁、惱怒故。</p> <p>二、為攝護他人令信佛法故。</p>
果〈犯〉報	<p>妄語</p> <p>一、墮三惡道。二、多被誹謗。三、為他所誑。四、言無人受。五、語不明了。六、種不得果。七、口氣惡臭。</p>
果〈持〉報	<p>戒妄</p> <p>一、口常清淨，如優鉢羅香。二、為諸世間之所信敬。</p> <p>三、自心歡喜，人皆欣悅。四、未來生處，恒聞如意音聲。</p> <p>五、增自威德，得無礙辯。</p>

### 酒戒

釋名	<p>俱酒色、酒香、酒味，飲之令人昏醉，放逸之飲料名酒，飲則犯戒。</p> <p>酒有二種：</p> <p>穀酒，用五穀所釀造者。</p> <p>木酒，用花、果、種、根、莖、葉或藥草所釀造者</p>
制意	<p>一、失禮儀。酒能令人迷醉，失禮貌威儀。</p> <p>二、破淨戒。醉時能破一切戒品，墮落惡道。</p> <p>三、失定慧。酒醉亂心，昏失明慧，令人癡迷。</p> <p>四、損財利。使人消耗財物，損依報也。</p> <p>五、增疾病。引生多種疾病，損正報也。</p> <p>六、生災禍。引生蹶仆傾跌、鬥毆兇殺、車禍等事。</p>
次第	<p>前四戒為性戒在先。</p> <p>酒戒為遮在後。</p>

	但菩薩戒則酤酒重於飲酒，以損害眾生，違背菩薩道故。
具緣	<ul style="list-style-type: none"> <li>一、 是酒（酒色、酒香、酒味，飲之能醉人者。）</li> <li>二、 無重病因緣，飲則咽咽犯。（咽咽犯，即咽一口犯戒一次，按口咽計罪）</li> </ul>
輕重	<ul style="list-style-type: none"> <li>一、 自飲犯五戒中酒戒。</li> <li>二、 酤酒釀酒，犯菩薩戒，罪重。</li> </ul> <p>南山律祖云： 飲酒、有人於下加辛肴者（五辛、蔥、韭、蒜等）正文無此。然既受淨戒，焉啖膻臭，理不可也。今按吸煙，亦應判為不可。</p>
開遮	<p>開緣有二：</p> <ul style="list-style-type: none"> <li>一、 病時偏以諸藥至之無效，非酒不愈，方始服之。</li> <li>二、 若以酒塗瘡（即外科用藥酒無犯）</li> </ul> <p>麴，酒糟不應食。食中有料酒，食之不醉人者無犯。受酒戒者不得吸煙及食五辛。</p>
果〈犯〉報	<ul style="list-style-type: none"> <li>一、 死墮灌口地獄。（釀酒，躡酒河地獄。酤酒，墮酒池地獄。）</li> <li>二、 生於人中，愚狂，不信正法。（即不信因果性相諦理。）</li> </ul>
果〈持〉報	<p>戒酒</p> <ul style="list-style-type: none"> <li>一、 神智清明，恬靜安寧。</li> <li>二、 善持四重，不犯眾罪。</li> <li>三、 來世生人天道中，不墮三塗。</li> </ul>